

江灣里志

沈鳴時題檢



江灣里志

執廬題卷



江湾镇图





序

江灣里志始創於清乾隆間李邃庵先生續修於道光間盛硯巢先生再續於同治間陸星發先生分卷凡十分類凡三十有二體例蓋已略備然大率輾轉傳鈔未有刊本考古者輒引爲憾事民國八年余方從事於續修邑志蒐訪市鄉掌故散佚頗多江灣雖舊有志稿而光緒以後亦概付闕如感於徵集文獻之困難於是
有重修各市鄉里志之舉由縣聘委張小蘭先生主任江灣里志而以陸葆彝先生副之未逾年而稿即具以視舊志益備具規模矣顧其間或語涉繁蕪而未經芟削或事關重要而未盡網羅或疑似類於郭公或傳訛等於虛虎乃復參互考證詳加釐訂閱四月而成書分卷凡十五分類凡六十九蓋江灣當上寶兩邑縮藪

江灣里志

序

一

之衝昔不過三里之市場今則自鎮以南馬路日增星羅碁布商埠之發展直與上界聯爲一氣無區域之可分繁盛殆甲於全縣以故物質上之文明進步政教風俗上之遞嬗變遷較之他市鄉尤多特殊之點秉筆者未可墨守成例畸重前規詳古略今斤斤於人文之一部與夫軼事遺聞而已也敢持此旨以諗方來糾繆繩愆當俟諸聞達之君子

中華民國十年孟秋之月邑人錢淦序

舊序

周制萬二千五百家爲鄉有鄉大夫掌之其下爲州長族師以及比長道藝德行有書賢能有書當時載之後世傳之小史掌邦國之志者是也吾吳之有江灣猶滄海一粟太倉稊米而已然總其廣輪之域戶口殷繁亦幾及萬家自宋元明相繼以來寂寥千載罔可指數豈其地果荒僻與紀載失傳文獻鮮徵忽焉如飄風之過耳聲銷跡滅於無何有之鄉者蓋不知凡幾矣甯非生是地者之責歟予先世本出江灣有明中葉遷於胡莊相望在二十里而近祖墓尙有存者自庚寅下榻於族人家孟之家不半年而北上五年而南返再從舊遊屬江灣詩選初成風雅彬彬然文傳矣而事不傳又皆近在昭代至勝國以前概闕焉嘗與五姪香坪慨然

江灣里志

舊序

二

念之香坪因遂愆憑予曰今此方之較列於耳目者吾固得而指數之矣特曩昔逸軌茫然未辨遺文不沒盍薈萃成之而予且忘其智識之短淺而不足也日有咨月有紀人如先生長者以逮販夫牧豎之傳聞地自琳宮佛宇以及斷流枯冢之尋歷書自芸編湘帙以至鼠塵績筐之耗蠹苟可用其收羅者罔或遺焉於是向之湮滅不彰者始稍稍有聞若者爲賢能若者爲德行道藝雖未進於天下之選或使生是鄉者動高曾規矩之思而有所觀法考論於其間則洵乎存什一於千百而來者之足以有徵也尙恨才力庸下聞見未周風塵奔走卒卒相逼因先釐訂其大凡囑香坪綴錄之祈得博聞君子而是正焉則此書尙幸免於蕪略哉
乾隆四十一年歲次丙申秋日邑人李保泰

舊序

江灣里之有志自李邃菴先生館於鎮中時與從姪香坪所纂輯者也迨邃菴秉鐸揚州香坪又物故閱二十年而稿幾散軼盛生大鏞慨然蒐輯復得邃菴之稿比對補綴以有成書原六卷今八卷問序於余余維作始者難繼述者亦不易得也貿絲不可抱紙協律不以折筮徵信考實不可以嚮壁虛造傳聞異辭不可以兼收隻錄田夫野老僧廊佛刹與夫名流題詠時耄紀載而又折衷以數十年之閱歷與夫讀書論古之識解日稽月累積成卷帙使已湮之緒絕無之基釐然燦然於戲豈不難哉繼而從事宜其易矣然而無高曾矩矱之思里閭骨肉之意扶摘利弊之識網羅文獻之能言之不詳而擇之不精非惟不足補正其缺而大足爲原

江灣里志

舊序

三

書之累者古今著述似此豈少哉况此里之志邃菴之書未成向無盛生其人者則邃菴之書尙不知供誰家之蠹縱欲結構體勢其不致慨於無徵不信者幾何又况憑虛逞臆移屋就牀不足當有識者之一盼哉諦審茲編舉目近創懲沿襲也徵事近寬寧過存也辨駁近煩祛疑似也正經流而析支重田功也變差役而爲雇謹擾累也詳勸糴以勸善慎災眚也大書不一書志寶邑之南境與其略毋寧詳也大抵出於邃菴者簡而古出於盛生者詳而瞻合則兩美其爲卓然可傳之書無惑也余有感焉天下之大古今之遠可傳而卒不獲傳傳矣而託諸庸俗之手影響依傍裨官小說使閱者聽聞瞽亂無從辨其是非訂其謬誤一鄉且然又何怪前代之史郢書燕說莫得而窮詰也哉韓子云莫爲之前雖美

弗彰邃菴先生真其人也又云莫爲之後雖盛弗傳如盛生者其亦庶幾可矣與邃菴共事者香坪今香坪之子李生成鳳又與盛生共事而爲之乞序於余者也是皆可書也
嘉慶十五年歲次庚午孟夏之月上旬邑人侯守仁序於泰州學署



舊序

歲壬午承乏寶山時徵君章犀臺秉鐸於茲久矣與之論膠庠士
曰於江灣得盛硯巢予心焉識之癸未歲災上臺檄行荒政寶邑
循舊例按鎮設廠以硯巢襄理江灣廠賑務按部接見恂恂儒雅
公餘呈手輯江灣志鈔本閱之若網在綱有條不紊兼史家才學
識三者之長心甚嘉之予維寶山爲嘉定分邑邑志外非無里志
而付梓者鮮江灣南宋駐軍地前明倭寇又遭兵燹故其里古未
有志自邑先達李喬生於乾隆間下帷江灣纂輯未竟而去硯巢
尊崇前哲購求遺稿錄其已志而增其未志與同學之士上下議
論損益愜心屈指逾三十年而書已成帙矣予簿書旁午學殖荒
蕪不暇參末議而校訂之責犀臺願任之更有嘉者犀臺取士寬

江灣里志

舊序

五

著書嚴硯巢又虛懷佩服不憚其嚴而樂於易稿以爲一方有用
之書豈非相得益彰期於必傳者乎硯巢又予友田梅圃丙子分
校南闈所得士也薦而未售閉戶窮經殫心著述異日蘄進於古
作者之林豈徒里志云乎哉

道光六年歲次丙戌正月旣望知寶山縣事中州王坤撰

舊序

自有事於江灣里志至於今統計前後垂三十年稿凡三易方束髮受經聞前輩述梓里事輒隨筆記之劉亦園師詔鏞曰昔李邃菴師有里志雖未成書而大畧已備爾當覓之後借得草字鈔本則自乾隆甲午年止鏞恪遵門類將甲午以後續之就正於侯勗齋師此稿之初脫者也既而思之江灣古未有志而是稿實爲權輿邃菴先生網羅放失參考舊聞舉凡所聞所傳聞皆存而不論論而不議以俟後學於此而拘於尊崇前哲之義不增損一字非先生意也況江灣雖片壤其間建置紛更水道變易與夫地方興利除弊皆隨時而不一者乎且里之界限志家類多區畫不清自乾隆六十年辦賑以來按鎮設廠分領鄉圖官爲定之則界限可

江灣里志

舊序

六

據也因將李志門類稍增損之又分合之此稿之再易者也時勗齋師已卒於官末由就正會銅陵章犀臺徵君秉鐸寶山乙亥癸未兩年佐邑尊籌辦荒政止宿僧寮攜以就正又以殷行統於江灣無論名物沿革依次夾叙曩者惑之用是另定目錄附於卷末不失邃菴先生作志之初心此稿之三易者也於戲稿雖三易自信纂難三十年中前徽旣遠舊雨僅存如陳虛舟嚴說巖李少坪皆爲異物自顧殘生衰朽日甚益愴然於此事之不可延緩矣門人龔品杉山景韶吳企嶽表姪徐澄之願任繕寫之責遂不辭蕪穢而成之因歷叙其顛末云時道光八年歲次戊子二月上旬里人盛大鏞

舊序

志與史一也而志則四川平涼武功而外多不傳然而私志如豫章臨海吳地華陽與夫襄陽耆舊浦陽人物新安文獻之屬則又無不傳豈不以官書多請託難信而名山之業無顧忌有公論耶盛硯巢文學以所著江灣志屬余訂正情甚摯余淺陋不獲辭迺就吾學識之所至一一校之而進言其所以然地域之書以圖爲經著述之家居圖於左故大司徒掌土地之圖而土訓掌道地圖大小不同未有志而無圖者也里志雖小亦土訓之事也土訓掌地圖於前誦訓掌方志於後正合圖經志緯左圖右書之意今日以言代圖有誦訓無土訓矣此無圖當校者一也太史公自序不諱父談班氏序傳不諱父彪會稽志陸放翁筆也其於農師先生

江灣里志

舊序

七

不曰先左丞公而但曰左丞佃不諱也惟高似孫剡錄則諱之其書體例本無學不足法今且忽諱忽不諱愚謂正當倣序傳之例則全書可以無諱此體例之當校者二也史記先循吏班書先儒林後循吏蓋秦火之後儒者僅僅與墨並且遜於游俠漢興表章六經老師宿儒接軫而出天子稱師宰相受業尊榮貴顯無與並隆與史遷之時致不同矣故史之所後班之所先也今者班固之時非史遷之時仕蹟所陳又非有丙魏龔黃而顧循史遷之舊不亦偵乎此先後之當校者三也史班皆有儒林而無文苑唐書以儒林爲儒學又有文藝鄭夾漈通志則曰儒林曰文苑漢以前未有空疏無用以爲文者不依於經必依於史若揚雄司馬相如之儔得立專傳而不使與儒林混唐以後詞章爲文者日以多乃

不得不別立文苑一門以收之文苑者儒林之支流必也嚴以論儒林而學問之源正寬以論文苑而忠厚之道行兩得之道也今以學行名其目意本文學德行二科以立名非徒古今史之所無卽聖門高弟已不能兼且曰學行旣游夏兼曾閔矣又立孝義一門不且贅耶此名義之當校者四也臣忠子孝乃性天事亦分內事漢制有孝廉之科漢書無忠孝之傳此通志所以分忠義孝友爲二傳也其孝友傳在宋史亦曰孝義明史因之特其所謂義者忠於君友於兄弟信於朋友託孤寄命之謂義而非一時一事之解推類於豪舉之所爲也今之所稱孝義者是曾參與卜式同傳矣此大小之當校者五也申韓可與老莊合傳而郅都不可與龔黃合傳申韓去老莊遠而其流近郅都去龔黃近而其源遠以今

學行言嚴先生乃一代大著述家視商文毅薛方山諸君且過之而顧與試風簷諸君比並聲價豈不冤乎此位置之當校者六也史家好文每勝於質血流漂杵孟子譏之如陳其詩傳云性至孝父少不憚率妻子長跪可也至云在官每月必數受大杖愚謂孝子承顏順志何致一月中數干親怒而受大杖乎欲譽反毀正漂杵之論此文義之當校者七也其他小節或丹之卷中或墨之別紙豈新唐之糾謬耶抑宰相世系表之訂譌耶惟硯巢辨之道光六年歲在丙戌仲夏之月中旬寶山縣學司訓銅陵章謙存撰

舊序

江灣之名始見於宋史迄明嘉靖之季燬於倭寇市肆蕩然逮國朝涵濡休養生齒日繁商民輻輳江灣一隅適當往來上寶之衝屹然遂爲海邦雄鎮猶憶同治初元不佞避寇來游下帷於羅陽李氏得與里中諸賢相習如王君逸墅伯仲嚴君式甫叔姪張君蘭巖父子晨夕過從因悉里中舊有江灣志稿一書其民俗之樸僊士習之伉爽於談論間略知其梗概及不佞宦游垂二十餘年始歸歸而見聞所及地方風氣大開馬車行矣鐵路築矣租界且日闢日廣矣紗廠興而女工之紡織廢教堂盛而童蒙之學習歧輪輿機器之日新農工爭驚乎洋場而鄉閭之耕作稀時局變遷今昔殊異此皆盛君著書時所未及逆料者也而舊德先疇之未

江灣里志

舊序

九

泯遺聞軼事之所留猶幸有是書焉爲之掩卷低徊而不置
光緒二十三年仲春之月施錫衛序於槎南之半豹山房

江灣里志編輯人員題名錄

鑒定縣知事馮成奇字

總纂錢淦印字

編纂主任張寶鑑蘭字

分纂員陸遵銘葆字

採訪員陸顯周如字

嚴恩葵孫字

汪元祐映字

張元升階字

原纂姓氏李保泰隆字

嚴恩葵孫字

李大成隆字

續纂姓氏盛大鏞光字

嚴恩葵孫字

李成鳳光字

再續纂姓氏陸宿海治字

陸炳乾星字

李成鳳光字

參訂姓氏侯守仁齋字

陸炳乾星字

嚴燦嚴字

陳祖培舟字

沈

春榮耕字

楊春奎雲字

孫錫鬯朋字

嚴

堡庵字

侯晉雲亭字

江灣里志

編輯人員題名錄

一

周順庵字

孝

江灣里志凡例

- 一舊志原有繪圖第今昔疆域不同形勢亦異未可照舊沿用茲以宣統年間清丈所繪地圖爲準
- 一李氏舊志江灣殷行合而爲一乾隆甲寅殷行分廠盛氏舊志乃將殷行另編爲一卷附於舊志之後茲并刪去之惟推七推八兩圖及衣四圖盈圩向隸殷行宣統年間清丈時劃入江灣故仍採錄
- 一金二金七金八金十一等圖向隸江灣道光季年始析歸彭浦故本編不錄以上各圖藉清界限
- 一郡縣志不載生員以免繁瑣里志範圍較小自不妨兼收吳下甫里等志已開其先例茲特仿之

江灣里志

凡例

一

- 一里志本備邑志之采擇邑志所略者里志宜稍詳然從嚴格固易遣從寬格亦易濫兩者自當兼顧未敢有所偏私
- 一凡關於全邑共同之狀況已載入邑志者不備錄
- 一續修邑志訖於民國六年本編以採訪編纂時期已在八年以後故記載事實兼及九年以備將來再續邑志時之參攷
- 一江灣近爲全邑市鄉中最發達之區於實業交通兩方尤增進不已本編所錄僅依現狀爲斷漏略之處難免貽譏唯大雅諒之

江灣里志目錄

卷首

江灣鄉圖

江灣鎮街道圖

卷一

輿地志

建置

里至

戶口

村廛

圖圩

鄉都附

卷二

水利志

河渠

治蹟

民濟附

江灣里志



目錄

—

卷三

財賦志

田賦

徭役附

鹽法

貨物稅

雜捐稅

附稅

特稅

公款公產

洋商年租

卷四

禮俗志

風俗

寺廟

教會

褒揚

旌表 游洋 宮鄉 附飲 寶

祠宇

卷五

實業志

農業

商業

商埠附

工業

物產

賽會附

卷六

農商會

教育志

書院

勸學員

學務委員附

卷七

鄉教育會

學校

畢業人員附

交通志

江灣里志

目錄

二

陸道

馬路
鐵路
電車路
鐵路附

市街

橋梁

航路

郵遞

電信

卷八

兵防志

兵制

墩汎

武略

營署

團防

卷九

警務志

警察

消防

衛生 禁煙附

卷十

救恤志

善堂

恤亡

救助

災賑

卷十一

選舉志

科貢 庠生附

封贈

仕進

襲蔭

公職

勳獎

卷十二

江灣里志

目錄

三

人物志

賢達

忠節

德義 義耆附

孝友

文學

隱逸

遊寓

方外

列女

卷十三

藝文志

書目

金石

卷十四

名勝志

古蹟

第宅

卷十五

雜誌

祥異

園林

祠墓

軼事

江灣里志



目錄

四

